



UK Government Wales
Llywodraeth y DU Cymru

Cronfa Ffyniant Gyffredin Llywodraeth y DU

Cyngor Bwrdeistref Sirol Rhondda Cynon Taf - Microgrant Gweithgareddau Haf

Canllaw – Sut i wneud cais

Diogelu Data

Dim ond at ddibenion prosesu eich cais am Grant Cymunedol Cronfa Ffyniant Gyffredin Llywodraeth y DU y bydd yr wybodaeth rydych chi'n ei nodi ar y ffurflen yma'n cael ei defnyddio. I ddysgu rhagor am sut y bydd Carfan Datblygu'r Gymuned RhCT Gyda'n Gilydd a'r Garfan Rhwydwaith Cymdogaeth yn prosesu eich gwybodaeth bersonol, ewch i: [Hysbysiad Preifatrwydd Rhwydwaith Datblygu Cymunedol a Chymdogaeth | Cyngor Bwrdeistref Sirol Rhondda Cynon Taf](http://www.rctcbc.gov.uk/HysbysiadPreifatrwyddRhwydwaithDatblyguCymunedol) (rctcbc.gov.uk)

[Diogelu Data | Cyngor Bwrdeistref Sirol Rhondda Cynon Taf \(rctcbc.gov.uk\)](http://www.rctcbc.gov.uk/HysbysiadPreifatrwyddGwasanaeth)

<http://www.rctcbc.gov.uk/HysbysiadPreifatrwyddGwasanaeth>

Diben y canllawiau yma yw egluro a helpu ymgeiswyr i lenwi'r ffurflen gais.

Adran yn y Ffurflen Gais	Canllawiau
Addasrwydd y prosiect	Rhaid i'r prosiect gael ei gyflwyno o fewn ffiniau Cyngor Bwrdeistref Sirol Rhondda Cynon Taf. Bydd angen i brosiectau fodloni amcanion blaenoriaeth buddsoddi Cymunedau a Lle Cronfa Ffyniant Gyffredin Llywodraeth y DU. Bydd y flaenoriaeth buddsoddi yn galluogi lleoedd i fuddsoddi i adfer eu mannau cymunedol a'u perthnasau a chreu'r sylfeini ar gyfer datblygiad economaidd ar lefel gymdogaeth. Bwriad hyn yw cryfhau gwead cymdeithasol yn y gymuned, gan annog ymdeimlad o falchder yn y gymuned. Dyma'r amcanion – Cryfhau ein gwead cymdeithasol a mabwysiadu ymdeimlad o falchder lleol, a hynny drwy fuddsoddi mewn gweithgareddau sy'n gwella cysylltiadau corfforol, diwylliannol a chymdeithasol a mynediad at amwynderau, megis isadeiledd cymunedol a mannau

	gwyrdd lleol, a phrosiectau a gaiff eu harwain gan y gymuned. - Adeiladu cymdogaethau cydnerth, iach a diogel drwy fuddsoddi mewn lleoedd o ansawdd yr hoffai pobl fyw, gweithio, chwarae a dysgu ynddyn nhw, drwy welliannau wedi'u targedu i'r amgylchedd adeiledig a naturiol a dulliau arloesol i atal troseddau. Am ragor o wybodaeth, cyfeiriwch at Gronfa Ffyniant Gyffredin Llywodraeth y DU, yma: https://www.gov.uk/government/publications/uk-shared-prosperity-fund-prospectus/uk-shared-prosperity-fund-prospectus Yn Rhondda Cynon Taf Mae Cronfa Ffyniant Gyffredin Llywodraeth y DU ar gael i Gyngor Bwrdeistref Sirol Rhondda Cynon Taf i alluogi lleoedd i fuddsoddi mewn meithrin gallu a chymorth i adfer mannau cymunedol a pherthnasoedd a chreu'r sylfeini ar gyfer gwasanaethau cymdeithasol, datblygiad amgylcheddol, economaidd a diwylliannol ar lefel y gymdogaeth. Mae Cyngor Rhondda Cynon Taf wedi sicrhau bod Grant Cymunedol ar gael gyda'r bwriad o: - Adfer ymdeimlad o gymuned, balchder lleol a pherthyn, yn enwedig yn y mannau hynny lle mae'r ymdeimlad hwnnw wedi'i golli Rhaid i brosiectau gael eu cyflawni yn ardal Awdurdod Lleol Rhondda Cynon Taf a dylen nhw gyfrannu at un, neu ragor, o'r amcanion a nodir yng Nghynllun Corfforaethol Rhondda Cynon Taf – 'Gweithio gyda'n Gilydd 2024-2030'. Cynllun Corfforaethol y Cyngor Cyngor Bwrdeistref Sirol Rhondda Cynon Taf (rctcbc.gov.uk) Dyma nhw: POBL A CHYMUNEDAU – cefnogi a grymuso trigolion a chymunedau Rhondda Cynon Taf i fyw bywydau diogel, iach a boddhaus. GWAITH A BUSNES – helpu i gryfhau a thyfu economi Rhondda Cynon Taf. BYD NATUR A'R AMGYLCHEDD – Rhondda Cynon Taf gwyrdd a glân sy'n gwella ac yn gwarchod yr amgylchedd a byd natur. DIWYLLIANT A THREFTADAETH – Cydnabod a dathlu gorffennol, presennol a dyfodol RhCT.
--	--

Pwy sy'n gymwys i wneud cais?	Mae Cyngor Rhondda Cynon Taf yn sicrhau bod Grant Cymunedol ar gael i sefydliadau dielw personol, sefydliadau yn y Trydydd Sector a Grwpiau Cymunedol, gan gynnwys Cwmnïau Buddiannau Cymunedol a Chwmnïau Cyfyngedig drwy Warant sy'n gallu dangos bod gyda nhw Gyfansoddiad neu Ddogfen Lywodraethol; a Chyfrif Banc yn enw'r sefydliad gydag o leiaf 2 lofnod ar wahân (sydd ddim yn perthyn i'w gilydd).
Faint o arian rydw i'n cael gwneud cais ar ei gyfer? Beth yw'r terfynau amser? Am beth gaf i wneud cais?	<u>Microgrant Gweithgareddau Haf – Mae grantiau o hyd at £750 ar gael.</u> Rhaid i'r prosiectau ofyn am gymorth Refeniw yn unig. Rhaid i brosiectau gwblhau eu holl weithgarwch a gwerthiant ariannol erbyn 5 Medi 2025. <u>Gwariant posibl – Enghreifftiau yn unig:</u> • Adnoddau ar gyfer prosiectau • Ofer e.e. darnau bach o eitemau symudol • Lluniaeth • Llogi Cyfleusterau • Costau Gweithgareddau Ymgysylltu yn y Gymuned - yn cynnwys staffio ar gyfer sesiynau allanol • Costau ar gyfer achlysuron • Treuliau gwirfoddolwyr Bydd pob cais yn cael ei asesu gan banel yn rhan o broses gystadleuol. Cyfeiriwch at y ddogfen Meini Prawf sydd wedi'i ddarparu.
Sut bydd fy nghais yn cael ei brosesu?	Bydd y grant yn agor ddydd Llun 2 Mehefin 2025 am 9:30am, ac yn cau ddydd Gwener 27 Mehefin 27 2025 am 5pm. Byddwch chi'n derbyn cadarnhad ar ôl i chi gyflwyno eich cais. Byddwch chi'n cael gwybod am benderfyniad y panel asesu cyn pen 5 diwrnod gwaith.
Adran 1 Manylion cyswllt	Dyma enw'r person sy'n cwblhau'r cais ar ran y sefydliad. Dylai cyfeiriad a manylion cyswllt fod ar gyfer y sefydliad, nid data personol. Dyma'r person y byddwn ni'n cysylltu ag ef yn ystod bob cam o'r broses ymgeisio.
Adran 2 Manylion y Sefydliad	Dyma enw a manylion cyswllt y sefydliad. Dylech chi gadarnhau p'un a oes gyda chi'r yswiriant a'r polisïau perthnasol ar waith i gynnal eich prosiect. Efallai y byddwn ni'n

	gofyn i weld y rhain ar gais, felly sicrhewch fod modd i chi gael gafael ar y dogfennau yma'n hawdd.
Adran 3 Manylion Banc y Sefydliad	Dyma fanylion banc eich sefydliad. Rhaid i chi sicrhau bod y manylion yma'n cyd-fynd â'r dystiolaeth rydych chi'n ei darparu yn eich cais, hynny yw, yr un rhif cyfrif a chod didoli â'ch datganiad banc.
Adran 4.a. Enw'r Prosiect	Dyma enw'r prosiect rydych chi'n gwneud cais amdano. Mae hwn fel arfer yn wahanol i enw'ch sefydliad.
Adran 4.b. Ar gyfer beth mae angen yr arian? Beth ydych chi'n bwriadu ei wneud?	Dyma gynllun eich prosiect. 4.c.1. Dylech chi ddisgrifio'n glir yr hyn rydych chi'n bwriadu ei wneud. Disgrifiwch y gweithgaredd. 4.c.2. Nodwch yn glir y dyddiadau y byddwch chi'n cynnal y gweithgaredd. <i>E.e. bydd y prosiect yn cael ei gynnal am 2 awr yr wythnos am 12 wythnos o fis Awst 2023.</i> Yr amserlen ar gyfer y gwariant/gweithgaredd cymwys yw 1 Gorffennaf 2025 – 5 Medi 2025. 4.c.3 Rhowch amcan o faint o oedolion (18 oed a hŷn) rydych chi'n bwriadu ymgysylltu â nhw. 4.c.4 Rhowch amcan o faint o blant (0-17 oed) rydych chi'n bwriadu ymgysylltu â nhw.
4.d. Cyngor Bwrdeistref Sirol Rhondda Cynon Taf - Cynllun Corfforaethol	Dylech chi adolygu'r blaenoriaethau a rhoi tic wrth ymyl bob un sy'n berthnasol I weld copi o'r Cynllun Corfforaethol ewch i www.rctcbc.gov.uk neu cliciwch yma
Adran 4.e. Newid yn yr Hinsawdd	Mae gan y Cyngor darged uchelgeisiol o fod yn Garbon Niwtral erbyn 2030. Rydyn ni'n disgwyl i bob un o'n prosiectau ni sy'n cael eu hariannu gan grantiau i fod yn Gyfeillgar i'r Amgylchedd trwy wneud pethau bychain megis ailgylchu, sicrhau bod gweithgareddau yn ddi-blastig a defnyddio adnoddau lleol pan fo'n bosibl. Cadarnhewch i barhau. <i>Efallai y byddwn ni'n gofyn i chi sut rydych chi wedi cyfrannu at hyn.</i>

Section 4.f. Cydraddoldeb, Amrywiaeth a Chynhwysiant	Rhaid i bob prosiect hyrwyddo cydraddoldeb, amrywiaeth a chynhwysiant. E.e. gwneud pob ymdrech i ddarparu fersiynau hawdd i'w darllen, iaith arwyddion pan fo angen ac ati. Darparu toiledau/lleoedd newid hygrych, mynediad hawdd i bobl anabl. Cadarnhewch i barhau. <i>Efallai y byddwn ni'n gofyn i chi sut rydych chi wedi cyfrannu at hyn.</i>
4.g. Safonau'r Gymraeg	Rhaid i bob prosiect hyrwyddo'r Gymraeg yn gadarnhaol E.e. Croesawu'r rheiny sy'n cymryd rhan trwy gyfrwng y Gymraeg, darparu arwyddion dwyieithog, bod â staff sy'n medru'r Gymraeg ar y safle os yw'n bosibl; sicrhau bod cyhoeddiadau yn ddwyieithog, cynnal gweithgareddau yn y Gymraeg os oes modd ac ati. Cadarnhewch i barhau. <i>Efallai y byddwn ni'n gofyn i chi sut rydych chi wedi cyfrannu at hyn.</i>
4.h. Caniatâd	Mae angen i ni wybod bod gyda chi'r caniatâd angenrheidiol ar waith i gyflawni eich prosiect. Rhaid i hyn fod ar waith cyn i chi wneud eich cais. Er enghraifft, os ydych chi'n rhentu cyfleuster; a oes gyda chi ganiatâd gan eich landlord i gynnal y gweithgaredd neu i wneud y newidiadau arfaethedig? Rhaid i chi gadarnhau bod gyda chi'r caniatâd perthnasol i gyflawni eich prosiect. Dewiswch Dd/B os nad yw hyn yn berthnasol. Dewiswch oes, neu Dd/B, i gytuno a pharhau.
Rhan 5 Costau'r prosiect	Grant refeniw yn unig yw'r Microgrant Gweithgareddau Haf. Mae gwariant refeniw fel arfer yn gostau gweithredu parhaus sy'n cael eu defnyddio wrth gynnal eich prosiect. Dydy cyfalaf ddim yn wariant sy'n cael ei ganiatáu. Mae gwariant cyfalaf yn ymwneud â gwariant o natur hirdymor, (mae gan y gwariant werth dros nifer o flynyddoedd), lle caiff asedau eu prynu, eu hadeiladu neu eu gwella'

	Mae modd derbyn hyd at £750 yn rhan o'r Microgrant Cymunedol. Rhowch ddisgrifiad manwl a nodwch werth pob eitem hyd at £750. Does dim rhaid cael arian cyfatebol ar gyfer y Microgrant Gweithgareddau Cymunedol. Nid oes angen tystiolaeth o wariant ar gyfer y Microgrant Gweithgareddau Haf.
Sut bydd eich grant yn cael ei dalu	Os caiff eich cais ei gymeradwyo, byddwch chi'n derbyn llythyr cynnig drwy e-bost gyda manylion y grant a'i delerau ac amodau. Os ydych chi'n dymuno derbyn y grant bydd angen i chi adolygu, llofnodi a dychwelyd y telerau ac amodau. Yna, bydd taliad yn cael ei wneud i'r cyfrif banc sydd wedi'i nodi ar y ffurflen gais ar ôl derbyn anfoneb am y swm y cytunwyd arno yn eich llythyr cynnig. Bydd taliad yn cael ei wneud i'ch sefydliad ymlaen llaw. Byddwch yn effro i'r ffaith efallai y bydd rhaid ad-dalu'r grant i'r Cyngor pe ne bai'r sefydliad neu'r gweithgarwch arfaethedig yn cydymffurfio â'r telerau ac amodau a/neu'n methu â darparu tystiolaeth o'r deilliannau y cytunwyd arnyn nhw ac sy'n ofynnol.
Adran 6	Bydd angen i chi gadarnhau p'un a ydych chi'n bodloni'r diffiniad o fenter ai peidio. Os 'ydw' yw'r ateb i a) neu b), rydych chi'n bodloni'r diffiniad o fenter. Darllenwch, llenwi ac arwyddo'r datganiad yn yr adran Rheoli Cymhorthdal – Cymorth Ariannol Lleiaf yn y ffurflen gais. Os eich ateb yw c), sef dim un o'r uchod, dydych chi ddim yn bodloni'r diffiniad o Fenter – ewch i Adran 7.
Adran 7 Awdurdodiad	Rhaid i'r person sy'n cwblhau eich cais ac un person awdurdodedig arall o'ch sefydliad lofnodi a dyddio'r cais cyn iddo gael ei gyflwyno.
Adran 8 Rhestr wirio	Mae'r adran yma i chi sicrhau eich bod chi wedi cynnwys yr holl wybodaeth berthnasol cyn i chi gyflwyno eich cais. Mae hwn yn broses gystadleuol. Cadwch at y nifer geiriau ym mhob adran. Gall gwybodaeth sydd ar goll, gwybodaeth anghywir neu ysgrifennu mwy na'r cyfrif geiriau arwain at eich cais yn cael ei wrthod.

Os oes gyda chi unrhyw ymholiadau pellach sydd heb gael eu nodi yn y canllaw yma, e-bostiwch GrantCymunedolCFfGCBSRhCT@rctcbc.gov.uk neu ffonio **01443 425368**.